



OINARRIAK: 2023KO SAN ANDRES AZOKA

1. Helburua.

San Andres azokaren helburua Gipuzkoa, Bizkaia, Araba eta Nafarroako produktu hauen **erakusketa, lehiaketa eta salmenta** egitea da: barazkiak, frutak, Euskal Labela duen ezta, ardi-gazta eta eskuz egindako ogia.

Erakusteko eta saltzeko –ez ordea lehiaketarako- goiko produktu horiez gain, aipatutako lurralde horietako txakolina eta loreak ere egon daitezke eta baita Deba Beheko nekazaritza-ustategietako gaztak ere.

2. San Andres Azokan parte hartzeko bete behar diren baldintzak.

San Andres Azokako parte hartzaileek jarraian aipatzen diren baldintza orokorrak bete behar dituzte:

- Dagokion epigrafean alta emanda eta jarduera ekonomikoko zergaren ordainketa egunean edukitzea, edo, zerga hori ordaintzetik salbuetsia egonez gero, Zergapekoen Erroldan alta emandakoa izatea.
- Gizarte Segurantzarekin dituen obligazioak egunean edukitzea.
- Zerga alorrean dituen obligazioak egunean edukitzea.
- Udalarekin dituen zerga-obligazioak ordainduta edo egunean edukitzea.
- Erantzukizun zibileko aseguruia kontratatuta edukitzea, burutzen den merkataritza-jardueraren arriskuak estaliko dituen aseguruia.
- Saltzeko dauden produktuei aplika dakizkiekeen arau berezietan ezartzen diren baldintzak betetzea.
- Europako Erkidegotik kanpoko beste herrialde batzuetakoek egoitza-baimena eta lan-baimena eduki behar dute.

Era berean, produktu bakoitzari dagozkion honako baldintza hauek bete beharko dira:

- **Fruta eta barazkiak:** nekazaritzako ustategiaren txartela (txartel berdea).
- **Ogia:** nekazaritzako ustategiaren txartela (txartel berdea) eta osasun erregistroa. Eskuz egindako gozokiak ere ekarri gero, dagokion osasun erregistroa izatea.
- **Ardi gazta:** Idiazabal gazta jatorri-deituran erregistratuta egotea edo Artzain Gazta elkartearen bazkidea izatea. (**Kategoria honetan izena ematen duten parte-hartzaile guztiak derrigortuta egongo dira lehiaketan parte hartzera**).
- **Eztia:** Euskal Labela.
- **Txakolina:** nekazaritzako ustategiaren txartela (txartel berdea) eta osasun-erregistroa.
- **Loreak:** nekazaritzako ustategiaren txartela (txartel berdea).
- **Deba Beheko gaztak:** nekazaritza-ustategiaren txartela (txartel berdea) eta osasun-erregistroa.
- **Poteetan sartutako produktu eta baserriko kontserben** kasuan, nekazaritza ustategiaren txartela (txartel berdea) eta dagokion osasun erregistroa izatea.

3. Eskaerak egiteko epea eta lekua:

Eskaerak eta agiriak aurkezteko epea **2023ko azaroaren 1etik 12ra (biak barne) izango da.**

Eskaerak elektronikoki: aurkeztu beharko dira, ondorengo estekan eskuragarri egongo den formularioa betez:

<https://formularioak.eibar.eus/eu/azoka2023sanandresak>

Formulario elektronikoa betetzeko ez da inolako sinadura elektronikorik behar, ezta ere erabiltzaile eta pasahitzik.

Honako agiri hauek erantsi beharko dira:





- Eskatzailearen NANA, IFZ edo horren balio bereko beste dokumenturen bat.
- Legezko ordezkapenaren kasuan, legezko ordezkariaren NANA edo horren balio bereko beste dokumenturen bat eta ordezkapena dokumentu bidez egiaztatua. Egiaztapen hori, zuzenbidean baliozkotzat har daitekeen edozein bitartekoren bidez egin daiteke (notario-ahalordeak, eskriturak...).
- Azokan aurkeztuko den produktuaren fitxa behar bezala beteta (PEGORAn eta udal web orrian, www.eibar.eus, eskuragarri).
- **Fruta eta barazkiak:** nekazaritzako ustiategiaren txartela (txartel berdea).
- **Ogia:** nekazaritzako ustiategiaren txartela (txartel berdea) eta osasun erregistroa. Eskuz egindako gozokiak ere ekarriz gero, dagokion osasun erregistroa.
- **Ardi gazta:** Idiazabal gazta jatorri-deituan erregistratuta egotearen edo Artzai Gazta elkartearen bazkidea izatearen egiaztatzea.
- **Eztia:** Euskal Labela.
- **Txakolina:** nekazaritzako ustiategiaren txartela (txartel berdea) eta osasun erregistroa.
- **Loreak:** nekazaritzako ustiategiaren txartela (txartel berdea).
- **Deba Beheko gaztak:** nekazaritza- ustiategiaren txartela (txartel berdea) eta osasun-erregistroa.
- **Poteetan sartutako produktu eta baserriko kontserben** kasuan, nekazaritza ustiategiaren txartela (txartel berdea) eta dagokion osasun erregistroa.

OHARRA: Nahikoa izango da Nekazaritza Ekologikoaren etiketa aurkeztea azokako edozein produktutarako.

4. Adjudikazioa.

Postuen adjudikazioa organo eskudunak onartuko du, Kultura sailaren proposamena jaso ondoren, Azokarako prestatuta dauden metroak eskaera guztiei erantzuteko adina balira, adjudikazioa zuzenean egingo da. Bestela zozketa egingo litzateke.

5. Araudiak.

5.1.- Eibarko Udalak postuak nola eta non kokatu erabakiko du. Postuek azaroaren 30ean, goizeko 9etarako prest egon behar dute, ordu horretarako jarrita ez dagoena ez baita onartuko. Arratsaldeko 3retarako jasota egon beharko dute postu guztiek.

5.2.- Produktu bat baino gehiago (barazkiak, frutak, eztia, gazta edo ogia) ekartzen duenak produktu bakarra aurkeztu ahal izango du lehiaketara.

5.3.- Poteetan sartutako produktuak eta baserriko barazki nahiz fruta kontserbak erakusketa eta salmentarako bakarrik onartuko dira, baina horretarako nekazaritzako ustiategiaren (esplotazioaren) txartela eta osasun erregistroarena izan beharko dituzte.

5.4.- Gozogintza-produktuak erakusketa eta salmentarako bakarrik onartuko dira. Ogiarekin batera aurkeztu beharko dira, eta gozogintzari dagokion osasun txartela izan beharko dute.

5.5.- Honako produktu hauek debekatuta daude: txarkuteria, haragikiak eta hestebeteak. Azokaren antolatzaileek ikuskaritza-lanak egingo dituzte, eta arauen bat betetzen ez duen partaideari postua kentzeko agindua eman ahal izango diote.

5.6.- Udalak, azokan parte hartzen dutenei, edozein momentutan eska diezaieke dokumentazioa, 2. atalean ezarritako baldintzak bete egiten dituztela egiaztatzen duena hain zuzen ere.

6. Sariak.

Produktuen kalitateari, kantitateari eta horiek aurkezteko erari erreparatuko zaie sariak ematerakoan. Produktuen ugartasuna, aurkezpen erarik onenarentzako sariaren barruan hartuko da kontuan.





	BARAZKIAK	FRUTA	EZTIA	ARDI GAZTA	OGIA
1. saria	250 €	250 €	250 €	250 €	250 €
2. saria	180 €	180 €	180 €	180 €	180 €

Aurkezpen onenarentzat, bi sari egongo dira: 1.a 200 eurokoa eta 2.a 120eurokoa.

- Eibarko baserritarren artean, onenari 120 euroko saria emango zaio.
- Parte hartzaileen artean epaimahaiak 90 €-ko aipamenak bana ditzake.

Epaimahaia teknikariek, profesionalek eta produktuak ezagutzen dituzten adituek osatuko dute.

Epaimahaiak, hala baderitzo, sariren bat eman gabe laga dezake.

